

HEVDEM

FESTÎVALA AMÊDIYÊ PÊNGAVEK NETEWÊVÎ BÛ



Evîn Tahir Hirorî

Pêşketina milletan di warên cuda cuda de, bi astê azadiya wan ve girêdayî ye. Em milletek in ku pîrriya me, ji blî zimanê zikmakî, zimanek din jî dizanin ku ev jî vedigere bo wê zulma ku bi dirêjiya mêjûyê li milletê me hatiye kirin û nehêlayî em bi azadî bijîn û berdewam hewl dane ji bilî dagêkirina erdê me, ziman, dab û nerît, dîrok û cilkên xwe jî bi ser me de bisepînin, gundên me wêran bikin. Ev kiryar e jî bûne eger, yan xelkê me berev welatên cuda cuda biçin, yan jî qesta bajêran bikin û bi dabînkirina pêdiviyên jîyanê ve mujûl bibin û peywendiyên civakî lawaz bibin û di encam de roj bo rojê folklorê me berev berzebûnê biçin ku ev e jî diyardeyek metirsîdar e, ji ber ku folklor nasnameya milletan e û şûnwarên dagêkirina folklorî, zû bi zû, ji nav naçin. Bo nimûne; piştî şerê azadiyê, erdê me azad bû belê, hêj xelkê devera Şingalê cilkên erebî li ber xwe dikan, lewma jî, ya fer e ku ji bo nehêlana vê diyardeyê hindêk pêngavên praktîkî bihên havêtin da ku



hişiyariyek di nav xelkê de, bi taybet gencan, çêbibe û bibe rêkek folklorê xwe biniyasîn û pêgîriyê pê bikin.

Ew festîvala li rojên (17 - 18-yê Nîsanê) li Amêdiyê hatiye gêran, pêngavek neteweyî û destpêkek pîroz bû ji bo vê meremê ku di nav de gelek tiştên girêdayî û taybet bi neteweya me ve hatin nîşandan wek xwarnên kevn, corên ciyawaz ji cilkên jin û zilaman, hunerê millî, berehîkane û yaryên folklorî, rêesmên çewayiya bûk veguhaztinê û heyranok û

stiranên koç û dîwanan hatine nîşadan. Tiştê serincrakêş, ev bû ku jin di pitirîya van çalakiyan de pişkdar bûn ku ev jî nîşana hindê ye, jina kurd di kevn de azad bûye û bawerî bi xwe hebûye û xebata wê di gelek waran de harîkariya pêşveçûna folklorê kurdî kirî bizavan bihê dan, da ku çand û folklorê resenê kurdî bihê parastin û li paşerojek nêzîk, gelê kurd bi hemû cîhanê bidin nasîkirin.

